

REGIONAL NEWS UNIT

ALL INDIA RADIO GANGTOK

BHUTIA NEWS BULLETIN

BROADCAST: 18:50 HRS

DATE: 24/ 07/ 2025

AMIT SHAH

ནང་མིང་ དང་ Cooperative གློན་པོ་ Amit Shah གི་ ད་རིང་ རྒྱལ་ཁབ་ གླེ་ལེ་ ན་ རྒྱལ་ཁབ་ Cooperative བྱམས་ལུག་ ༢༠༢༥ ལྷུང་ཁྱེ་ གནང་བཞིན་ འོང་མཁན་ ལོ་ ༢༠ གི་ འོན་ལས་ རྒྱ་གར་ གི་ Cooperative Revolution ལོ་ ལོ་ག་རྒྱ་ བཟོ་ཤང་ འོན་ལས་ རྒྱལ་ཆེན་ གཞུང་གི་ གནང་བཞིན་ ཡོད། སྤེད་མིང་ Narendra Modi གི་ དབུ་ཁྲི་ ན་ ད་ཀྱི་ གློན་པོ་ བཟོ་མཁན་ འོན་ཆེན་ མཉམ་ཆེ་ སེམས་ཤུར་ བྱས་བཞིན་ Viksit Bharat ༢༠༤༧ གི་ ཡུལ་རིང་ དམིཌ་ལུ་ ལོ་ གྲིང་གི་ བཟོ་ཤང་ འོན་ཆེན་ བཞག་ ཡོད། བྱམས་ལུག་ འདི་ ལོ་ ༢༠༠༢ ན་ གྲེ་མཁན་ ཉེན་གོང་ གཞུང་ གི་ བྱམས་ལུག་ གི་ ཆ་མ་ ལོན་ བཞིན།

EDUCATION DEPARTMENT, PAKYONG – CM

དཔོ་སྦྱང་ རྒྱུང་ཁའི་ འོན་ལས་ གཞི་རྒྱ་ གློན་པོ་ ལམ་ཏེན་ ལས་རིམ་ ༢༠༢༥-༢༦ གི་ གཞུང་འབྲེལ་ འབྲིང་རིམ་ ཐོ་བའི་ སློབ་ཁྲ་ གླེག་སྦྱང་ གི་ ཚུར་བཟུ་ ཁང་ ན་ གནང་ གཞུང་འབྲེལ་ ཞེ་ ན་ འགོ་རྒྱ་ གནང་བོ་ ཨིན། འབྲས་ལྗོངས་ གཞུང་ གི་ ཤེས་རིག་ ལས་ལག་ གི་ Katalytic Charter Education Foundation KCEF མཉམ་ཆེ་ ཁ་འབམ་ གླེ་ ཐབས་ལམ་ འདི་ དབུ་ཁྲི་ གནང་བོ་ སྤང། ག་ འདི་ གི་ དམིཌ་ལུ་ འདི་ འཛིན་རྒྱལ་ ༡༠ པའི་ སློབ་ཚུག་ ལུ་ ལོ་ ལམ་བཟོན་ བྱས་ཤང་ དང་ ད་ འོང་མཁན་ board ཆས་རྒྱུད་ ན་ ཁོང་ཚུའི་ ཆས་རྒྱུད་ ལོ་ རྒྱལ་འབྲས་ ལེམང་ ཐོན་ཚུང་པའི་ འོན་ལས་ ཨིན་བོ་ སྤང།

BJP TEAM MEET MATHUR

BJP འབྲས་ལྗོངས་ Pradesh ཚུར་བོ་ གི་ མངའ་ཕྱེ་ གཞི་འཛིན་ DR Thapa གི་ དབུ་ཁྲི་ ན་ ཚུར་བོ་ ཅིག་ གི་ ད་རིང་ སྤེད་སྦྱང་ Om Prakash Mathur མཉམ་ཆེ་ མངའ་ཕྱེ་ མངའ་ཕྱེ་ ན་ ར་ན་ ཚུར་བོ་ ལུ་ ལོ་ གཞུང་ ལོ་ ཡོད་མཁན་ སྤེད་བྱས་ ཚུར་བོ་ ལུ་ གི་ བྱས་བཞིན་ ཡོད་མཁན་ མ་ལེགས་ དང་ ར་དབང་ ད་ཀྱི་ ལེད་མ་ མང་བོ་ ལམ་ཏེ་ ལྷུ་སྒྲིག་ ལུ་ལོ་ ཨིན། ཚུར་བོ་ འདི་ གི་ སྤེད་སྦྱང་ གྱི་ བར་ ན་ བྱོན་ཤང་ ལྷུ་བ་ གནང་བཞིན་ མངའ་ཕྱེ་ ན་ ར་དབང་ ད་ཀྱི་ བཟོ་ཤང་ འོན་ལས་ ལྷུ་བ་ ལུ་ལོ་ བྱས་བཞིན་ ར་དབང་ རང་བཅུན་ ན་ ར་ན་ ཚུར་བོ་ ལུ་ ལོ་ སོ་སའི་ འགན་ལཱ་ བྱས་ཐོབ་ ཤང་ ར་ ཨོང་ཙའ་ ཐོབ་ དགོས་ཤང་ ལམ་ཏེ་ དགོས་ལམ་ ཡི་གེ་ ཅིག་ ལུ་ལོ་ ཨིན། ལྷུ་བ་ ཡི་གེ་ ཐོག་ལས་ འབྲས་མི་ ཚུར་བོ་ གི་ ད་རེ་རང་ མངའ་ཕྱེ་ ནང་ཤའ་ ཐོང་བཞིན་ ཡོད་མཁན་ དང་ ཐོན་ཡོད་ མཁན་ སྤེད་བྱས་ སྦྱོན་དན་ ན་ ར་ན་ ཚུར་བོ་ ལྷེང་ལོ་ མ་ལེགས་ ཐོན་བོ་ དང་ འོས་ཤོག་ འབྲེལ་ཕྱེ་ སྦྱོན་དན་ གལ་བོ་ གཏམ་ ན་ སེམས་ལུག་ ཆ་ཀྱ་ འབྲན་བོ་ ལམ་ཏེ་ BJP གི་ ལྷུ་བ་ བྱས་མཁན་ གནས་ཚུལ་ ན་ ལོན་ བྱིན་ ཡོད། སྤེད་སྦྱང་ སྤྱུ་ཞབས་ Mathur གི་ ཚུར་བོ་ གི་ བཞག་མཁན་ གཏམ་ཚུ་ ལོ་ ཤུར་བསམ་ ལོན་ཕྱེ་ གསན་བོ་ ནང་ཕྱེ་ སྦྱོན་དན་ ལུ་ ལྷེང་ལོ་ ཤུར་བྱག་ འབྲན་བཞིན་ ལོད་ཤོག་ བསམ་སྦོ་ འབྲན་བོ་ གནང་ ཡོད།

SHRD & PR – HYDRABAD

མངའ་ཕྱེ་ བྱང་སེབ་ ཡར་རྒྱས་ དང་ Panchayati Raj ལས་ཁུངས་ འབྲས་ལྗོངས་ གཞུང་ གི་ རྒྱལ་ཁབ་ ལེབ་ ཚུང་ཚུང་ ཚུང་ཚུང་ དང་ བར་ཆམ་ ཆོང་འབྲེལ་ ལས་ཁུངས་ Hyderabad མཉམ་ཆེ་ ཁ་འབམ་ཕྱེ་ བྱང་སེབ་ ཆོང་འབྲེལ་ འོན་ལས་ Digital Marketing དང་ ལ་ཁུང་ མ་སྒྱུབ་མཁན་ Sector ལུ་ འོན་ལས་ ཆོང་འབྲེལ་ འབྲེལ་ཕྱེ་ བྱང་དར་བོ་ ལུ་ལོ་ བྱང་དར་ ལས་རིམ་ བཞག་གོ་ སྤང། འབྲས་ལྗོངས་ INSPIRES གི་ ངོ་འོག་ ན་ བྱང་དར་ ལས་རིམ་ འདི་ བཞག་གོ་ སྤང། མཐུན་འབྲེལ་ འདི་ འོན་བཞིན་ SID & PR དང་ NI – MSME བར་ ན་ དུལ་ཆེ་ མཉམ་ཆེ་ འབྲེལ་བ་ མེད་མཁན་ ཅིག་ MOU མཐུན་འབྲེལ་ ལྷེང་ལོ་ མཚན་ཏའ་ བྱས་བོ་ སྤང། འབྲས་ལྗོངས་ གྱི་ བྱེ་ཀྱ་ རེ་ཆེ་ ཆེན་པོ་ ས་གནས་ ལུ་ གི་ ལ་ཁུང་ ལས་ གཞན་ བྱང་སེབ་ ཆོང་འབྲེལ་ ལུ་ གི་ གཞིཌ་སྒྲིག་ བྱས་ཤང་ བྱང་སེབ་ ཆོང་འབྲེལ་བོ་ ལུ་ གི་ ལམ་ཏེན་ བྱས་ཤང་ དང་ ཆོང་འབྲེལ་ མགོ་ཡིག་ ཡར་རྒྱས་ གྱི་ ཐོབ་ཤོག་ བྱིན་ཤང་ འོན་ལས་ MOU གི་ འོན་ཆེན་ བཞག་ ཡོད་བོ་ སྤང།

KAILASH MANSAROVAR

ཆེ་ཆེན་ Kailash Mansarovar གནས་སྐོར་ འོན་ལས་ ཚུར་བོ་ ༡ པོ་ འདི་ Sherathang བསྐྱབས་ ཡོད། ཐམས་ཅན་ གནས་སྐོར་བོ་ ལུ་ལོ་ འཕྲོད་བསྟེན་ ན་ གནས་ཏང་ འདི་ ལེད་མ་ དང་ གནས་སྐོར་ ལོ་ ལེན་ཕྱེ་ ཁོང་ ལུ་ ལམ་ཏེ་ དགའ་ཆོད་ ཡོད་བོ་ ཨིན། གནས་སྐོར་ འདི་ གི་ ༥ གོ་ ཚུར་བོ་ འདི་ July ཆས་ ༡༤ གི་ ཉེན་ འབྲས་ལྗོངས་ ལོག་ བསྐྱབས་བོ་ ཨིན་ ག་ འདི་ ན་ ༥༢ ཐམས་ཅན་ གནས་སྐོར་བོ་ ལུ་ ཡོད་བོ་ ཨིན།

SIKKIM RAIN

གནམ་ལ་ ལས་ལག་ གི་ འབྲས་ལྗོངས་ ན་ བབས་མཁན་ ཆར་པོ་ ལྷོར་ལས་ འབྲེལ་ཤད་ ལོན་ ཁྱབ་སྤྱོད་ ཏོན་ ཡོད་ ག་ འདི་ ན་ གནམ་ལ་ འདི་ ན་ བབས་མཁན་ ཆར་པོ་ ན་ ལེབ་ཏི་ ཉུང་ཁྱ་ ཐོན་པོ་ ལོན་ འབྲེལ་ ཡོད་ འབྲས་ལྗོངས་ ན་ June ཚེས་ ༡ ལས་ གདང་ སང་སྟེ་ ༥༦༧.༣ millimetre ཆར་པོ་ བབས་པོ་ སྤང་ ག་འདི་ འདི་ June སང་སྟེ་ ཨ་ཏང་ ལས་ རྒྱ་ཆ་ ༢༩ ཉུང་ཁྱ་ ཡིན། ང་ཅའི་ གནས་ཚུལ་ འབྲས་མི་ གི་ གསུང་པོ་ ཉོན་བཞིན་ རྒྱལ་ཁོང་ རྒྱུང་ཁའ་ ན་ ༤༥༣.༥ millimetre ཆར་པོ་ བབས་པོ་ ཡིན་ ག་འདི་ འདི་ ༢༧༤.༥ millimetre བདོན་སྤྱར་ ན་ རྒྱ་ཆ་ ༤༤ ཉུང་ཁྱ་ ཡིན། སྤང་ཏོག་ ན་ ལམ་ ན་ ༤༧༧.༤ millimetre ཆར་པོ་ བབས་པོ་ ཡིན་ ག་འདི་ འདི་ ཨ་ཏང་ ལས་ རྒྱ་ཆ་ ༣༥ ཉུང་ཁྱ་ ཡིན།